

# QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die Jovis  
decimâ-quartâ Decembris.

M. FRANCISCO VERNAGE, Doctore  
Medico, Præsidente.

*An Monstrum, Naturatribuendum erranti?*

## I.

**N**ATURA, Omnibus nomen usitatissimum, comprehensum Paucis. Effectum universi causâs detegere qui cupit, ac perscrutari: diligentius hanc investiget. Duplex: Universalis, Particularis. Hæc nihil aliud est, præter corporis cujuslibet formas, quibus distinctio rerum, atque varietas efficitur, corporaque constituuntur. Illa, Deus est; cujus voluntate omnia facta à principio, & constituta sunt, & reguntur, atque moventur. Motu, quem imprimit corporibus, tantquam primariò instrumentò, aliisque corporum affectionibus, velut secundariis instrumentis, Solus efficit generationes, corruptiones, alterationes, ceterasque hujus universi mutationes. Corpora movet legibus ab Æ sanctis, quas rarò, & solum in miraculis transgreditur, ut ostendat se naturæ particularis esse authorem. Legibus summè simplicibus, & secundissimis, quibus hæc pulchritudo rerum; hæc species universi, hic tantus cœli ornatu potuerunt effici: mundus omnis administratur, & conservatur; corpora inanimata, quæ quotidie apparent, formantur; viventium à primâ rerum origine formata explicantur. Plantarum, brutorum, & corporis humani, quæ dicuntur generatio, aptius nutritionis, & accretionis nomine designari debet. Generatione non producantur, sed vivunt; hujus ope minutissima illorum organa, angustissimo coarctata loco; ad motum inepta: mole aucta, majusque adepta spatium, motui redduntur habilia, vitæque functionibus obeundis. Succus, seu alimentum, à quò organorum augentur stamina, movetur secundum leges ab autore naturæ positas. Eisdem legibus formantur monstra in triplici viventium specie contingentia.

## II.

**V**IVENTIIUM organa tam multa, tam varia, tam artificiosè concinnata ex semine, spirituum institorum motu distingui, coagmentari, efformari nullo comprehenditur intellectu: neque fœtus plures unâ, eâque minimâ seminis guttâ, vel levissimâ auræ afflatu procreari. Vitæ consortia omnia ab Ovo. In hoc descripta sunt generationis beneficio recipiunt alimentum, quò aucta vivunt, oculisque subiiciuntur. In plantis, ovi seu seminis pars, quæ continet plantam figuratam, germen dicitur; quod duas habet partes, Plumulam in folia & flores delineatam, & Radiculam. In animalium genere, Cicatrix appellatur. In germine plurimas alias plantas, in cicatrice multa animalia contineri, quæ successivè, suòque evoluntur tempore; absurdum non videbitur illi: cui notum est certissimis Mathematicorum demonstrationibus; mirâ auri, argenteque distensione; pigmentis mole minimis magnam aquæ copiam insipientibus; animalculis Acaro longè minoribus microscopiò detectis; materiem partem perexiguam constare ex indefinitis partibus, in quas secari ac dividi potest. Plantarum ova secundantur ab humore spirituosò, purissimòque è floribus, aut fructibus, vices maris gerentibus, in ova, sive semina fluent. Ab hoc Radiculæ & Pla-

mulæ fibræ referatæ, succis recipiendis aptæ redduntur. Tepido terræ calore, huic ubi credita sunt semina, humor impellitur in germen; cujus radix primum, caulis deinde, folia & flores expanduntur. Fecunda sunt animalium ova à semine spiritibus turgido; illi, velut flamma tenuis, ovaria ponè iterum sita pervadunt, ovi meatus coarctatos dilatant. Fecundatum ovum quæ ambit membrana, crassior redditur; ex quo fit, ut compressum undique ovum per apertam ovarii rimam abigatur intrâ tubam, cujus orificium, proboscidis instar, rimæ tunc temporis applicatur, fibrarum lati ligamenti contractione. E tubâ, nisi in illâ augeatur, aut in ovario, descendit in uterum, ejus fundo inferendum humoris lenti è glandulis, inibi copiosis, manantis interventu. Uteri incubatione humor intrâ ovi membranas conclusus magis ac magis extenuatur; in tenuissima radice, seu umbilici per chorion & amnion ipsa vala fertur, unâ cum humore stillante ab utero. Hoc gemino succo simul fermentante amplificatur, amplificata in uteri papillas inferuntur. E papillis qui fuit in radicem humor, chylus est; in tenuissimis umbilici vasis fermentatur, & in sanguinem vertitur. Continuo affluens humor diffunditur in exile corpus foetus; ab hoc humore stamina extenduntur, ac velut subregmine implentur. Aucta organa moveri incipiunt, vitæque functiones obire. Snam adeptus magnitudinem foetus ab utero excluditur. Hæc utrique ratione conservatur viventium species, & continuantur. Aliud motu intrâ fibras corporum formatum fit generatio. Hic motus dum à somnolentis tantum causis determinatur, nascitur vivens speciei suæ omnino similis organoformis, membrorum constitutionis; si verò ab insolitis, dissimilis. Hæc varie mortuum determinaciones, quibus modò simile, modò dissimile nascitur, cum pendeant à legibus, quibus cuncta movet natura universalis; utrumque ab ipsâ proficisci necesse est.

## I I I.

**C**ORPORA plantarum, & animalium distinguuntur propriâ cuique generi organorum compositione. Variæ cum plantarum, tum animalium species suam quocunque obtinent sibi peculiarem partium structuram, à quâ inter se discerniuntur. Cujuslibet speciei structura certâ partium figurâ, & magnitudine, certò numero, & situ continetur. Viventia quæ Aliam, Diverfamque habent à specie suâ, in partium figurâ, magnitudine, numero, ac situ, organorum, membrorum constitutionem, eamque admirabilem, & raram, Monstra appellantur. Partium monstrorum præfigere incredibilem partium malorum, vulgò creditur; explodenda hæc superstitio sua per gentes, quæ oppartum omnium ferè animos, atque hominum imbecillitatem occupavit. Monstra totidem, quot modi stupendi, rarique, quibus à suâ specie viventia differre possunt. Modus ille quadruplex, figura, numerus, magnitudo, atque situs. Quadruplex idcirco differentia statuenda. Monstrum in figurâ contingit, quum infans nascitur suillo, equinò, caninò capite &c. Huic monstro anima rationis particeps non deneganda; non immutatur interior cerebri structura, exteriori illâ effigie, bruto non planè, sed aliquatenus simili. Quæ ferarum capita corpori humano adjuncta cernuntur in Tabellis: non sic nata sunt, verum à Pictore efficta, qui caput humanum, speciem aliquam canis præ se ferens, huic simile depingit: forsàn nè ars in eo desideretur, si cani malè simile depinxisset. In hoc genere monstrorum recensentur à nonnullis, Fauni, Satyri homines ex capris nati; Marini homines, Syrenes mulieres ex piscibus; homines ex brutis; bruta ex mulieribus: fabulæ. Mulierem murem peperisse, si divulgatum est, atque literis mandatum: hujus commenti ecce causam. Mulier gravida infans, spirituumvè motu decepta, murem utero gerere se credit. In doloribus imminens abortus clamat, se mox enixuram murem; cautè mus substituitur, ut fraude innoxia, leste phantasiæ nocivus error auferatur. Monstra in numero, aut mutila sunt, aut exuperantia. Mutila, infans absque brachiis, cruribus &c. Exuperantia, puer duplici capite, trunco duplici, brachiis quatuor &c. In situ, infans caput thoraci adnatum, oculi vertici, brachium collo. In magnitudine, membrum aliquod reliquò majus corpore. Plantis sua sunt monstra. Ex uno calamo plures spicæ exorientes in foliis, fructibus plantarum aliæ adnatæ; arborum fructus plures juncti, uni pediculo inserti; mira florum quorundam, ac fructuum figura. Stupendam in monstris organorum, membrorum conformationem, non inordinatam voca, sed Insolentiam, non enormem, sed Diverfam, non deformem, sed Dissimilem; non turpem fœdamque, sed Aliam. Nulla deformitas, aut fœditas reperiri potest in iis, quæ

<sup>3</sup>  
Sunt effectus legum sapienter constitutarum ab Eo, qui consilio utitur ad incipien-  
dum, ratione ad disponendum, arte ad efficiendum, virtute ad consummandum,  
potestate ad regendum, & continendum.

IV.

[illegible]

**I**N monstris partium numerus augeat conjunctione germinum ovis inclusorum; si vè in eodè duo sint, si vè duorum ovorum germina diffusi membranis adherant. Germinum connexorum partes omnes si explicitur: oriuntur gemelli juncti si verò singula non evolvantur, aut multæ evolutæ colliquantur: sætus prodit in lucem duplici capite, truncò duplici, brachiis quatuor &c. Corpora coalescent, quàm infans exulceratæ, aut viscidæ parti, alterius membrum applicatur. Monstrum, quod parte aliquâ redundat, frequens in iis animalibus, quæ multiplices utero gerunt sætus. Rariora in plantis monstra, propter compactionem earum structuram, succorum, quibus aluntur, tardiorè motum; & terræ, in quâ feruntur, stabilitatem. Monstrorum inter plantas nascentium hæc causæ sunt. Ex multis frumenti granorum plumulis, simul in terrâ coalescentibus, unus assurgit culmus, qui in tot dividitur spicas, quot granorum plumulæ coalescunt. Pari ratione plures oriuntur fructus, ex

72  
 unò petiolò dependentes, multiplici junctò intrà corticem pediculò. Arborum foliis enascuntur plantæ, his quia adhærent volitantia in aëre semina, quæ foliorum poris alimentum suscipiunt, quò deinde in plantas explicantur. Florum, fructuumque forma mirè mutatur pro ratione cæli, & soli; pro ratione operis, & curæ; pro temporum eventu. Innumera omnis speciei monstra, non appellabit menda, & peccata prolabentis naturæ, qui meminert exoriri legibus, non magis decerrantibus, quàm Ite, cuius voluntate late sunt. His legibus tam necessariè producuntur, ut, nè nascantur, eas abiogari oporteat. Ineptè Philosophi naturam in generatione monstrorum, quorum structuram imperfectam prædicant, erroris labe aspergunt; cujus interim artificium summum, incredibilemque solertiam in perfectâ animalium fabricâ admirantur. Quasi verò imperfecta essent ea, quæ consultò effecta sunt à causâ plenè, cumulatèque perfectâ, à quâ perfectionem suam omnia mutuuntur. Quò consiliò genita sunt monstra, detegere difficillimum: Organorum, quæ habeant cætera animalia, utilitates quædam Providæ nullò negotiò cognoscuntur, ut potè quæ intuitu pateant; has contemplari non erit supervacaneum: Partium fabricatio melius intelligetur; Dummodò rejiciantur usus, quos ab organis minimè petitos, mala ingenii fecunditas adinvenit: At quàm arduum finem scire tam discrepantis, tam variæ, quæcernitur in monstris, organorum, membrorum conformationis, atque coagmentationis! Hæc varietas rerum universitati assert pulchritudinem: Multi cum animalium, cum monstrorum fines magnâ latent obscuritate involuti, quos solus novit Is, qui formavit hominis nativitatem, quique omnium invenit originem.

*Non ergo Monstrum, Nature tribuendum erranti.*

Domini Doctores disputaturi.

M. Joannes Daval Scholæ  
 rum Professor.

M. Claudius Quiquibus.

M. Michael-Joannes Garbe.

M. Bertinus-Simon Dieuxivoye.

M. Joannes Boudin.

M. Guido-Erasmus Emmerez.

M. Nicolaus Morin.

M. Carolus Patin.

M. Claudius Quartier.

Proponebat Lutetiæ ALEXANDER PETRUS MATTOT Parisinus;  
 Baccalaureus Medicus. A. R. S. H. 1690.

---

PARISIIS,  
 Apud Franciscum Muguet, Regis, & Facultatis Medicinæ  
 Typographum.